

AD

QVAEDAM LIVII LOCA OBSERVATIONES

Lundberg
QVIBVS

ORATIONES XII

IN LYCEO TORGAVIENSI.

HORA III POMERIDIANA

p. XVIII ET XXII MARTII MDCCCLXXXVIII

A

PATRONIS ET FAVORIBVS

BENIVOLE AUDIENDAS

INDICIT

TRAVGOTT FREDERICVS BENEDICT

AL. II. MAGISTER ET LYCEI RECTOR.

TORGAVIAE,
IN OFFICINA KVBZIANA

1795

CAVENDISH MUSEUM

1871-1872

THE CAVENDISH MUSEUM

UNIVERSITY OF CAMBRIDGE

1871-1872

THE CAVENDISH MUSEUM

UNIVERSITY OF CAMBRIDGE

1871-1872

THE CAVENDISH MUSEUM

UNIVERSITY OF CAMBRIDGE

1871-1872

In Liuii lib. I, cap. XXVIII graue supplicium narratur, a Tullo Hostilio, Romanorum rege, propter nefariam prodicionem de Metto Fuffetio, Albanorum duce, sumtum. Cum enim Mettus Fuffetius, cui, teste Liuius, *non plus animi quam fidei erat*, contra Fidenatium legionem collocatus non in proelio pugnaret, sed Romanorum latera nudando ad montes succederet, Tullus Hostilius in re trepida tam clara voce, vt hostes exaudirent, *suo iussu circumdaci Albanum exercitum* adfirmavit, *vt Fidenatium nuda terga invadant*, et collida simulatione cum hostes terruit, tum labantem iam suorum auxit animum. Victor tandem ex proelio tam periculoso discedens, cum ad concionem vocari vtrumque exercitum iussisset, inter alia haec fatur:

*„Nam ne vos falsa opinio teneat, iniussu meo Albani sub-
iere ad montes: nec imperium illud meum, sed consilium
et imperii simulatio fuit: vt nec, vobis ignorantibus de-
seri vos, auerteretur a certamine animus; et hostibus,
circumueniri se a tergo ratis, terror ac fuga inticeretur.*

In quo loco imprimis haec verba: *sed consilium et imperii simulatio fuit*, quandam mihi dubitationem moverunt. Nam in antecedenti capite Liuius de Metto Fuffetio dilente scripserat:

Consilium erat, quae fortuna rem daret, ea inclinare vires. Ergo illa in montes secessio non Tulli sed Metti consilio erat facta, Quid? si in nostro loco legamus: *sed consilii et imperii simulatio fuit.* Ita enim omnia facilius cohaerent neque nimis artificiosa opus erit explicatione. Codicum tamen deest consensus.

In Liuii lib. II. cap. LVIII ita incipit:

„Tum primum tributis comitiis creati tribuni sunt: numero etiam addito tres, perinde ac duo ante fuerint, Piso auctor est. Nominat quoque tribunos, C. Sicinium, L. Numitorium, M. Duilium, Sp. Icilium, L. Maecilium.

Jure interpretes illud: *numero etiam addito tres* — offendit. Sed omnes fere codices legunt: *addito*, et ita aduersantur editionibus vulgatis, quae: *additos*, exhibent. Vulgatam lectionem praeter Strothium quoque Scheller V. Cel. in Obseruat. in priscos scripsit. pag. 281 defendit, neque eidem ipse repugnarem, si iusta Codd. auctoritate niteretur. Jure igitur Jac. Gronovius praetulit lectionem: *addito*. Sed illa admissa omnis difficultas in verbo: *tres*, latere videtur. Nam propter sequentia: *Piso auctor est*, ex antecedentibus intelligi deberet: *creatos esse*. Sicut etiam alibi haec verba iunguntur, ut: lib. X, 37: *Postunium, auctor est Claudius, triumphasse*, et idem nostro loco arguit subiunctius: *fuerint*, qui adiicitur. Miror, nondum interpretibus in mentem venisse emendationem horum verborum: *numero etiam addito trium*. Quam si receperis, minus dura est verborum ex antecedentibus intellectuum repetitio: *creatos esse*. Facile autem lectionem: *trium*, quam veram habeo, in alienam: *tres*, mutari potuisse, ex illa numerorum scribendorum ratione, quam librarii olim sequebantur, apparet. Cum enim excerpissent: *numero etiam addito III* — nota numeri male intellecta, inde falsa lectio: *tres*, est orta. Ceterum ille Piso, an-

narium

nalium scriptor, cuius etiam alibi Liuius meminit, haud dubie unus ex iis erat, qui initio tantum duo tribunos plebis in sacro monte creatos esse putarent, cum contra alii quam plurimi statim initio numerum quinarium inter eos obtinuisse adfirmant. Vid. Liv. lib. II, cap. 33.

In Liuii lib. III, cap. XXXVII ubi de iniusta decemviro-
rum dominatione agitur, inter alia etiam haec verba leguntur:

*„Quum interim mentio comitiorum nulla fieri, et decem-
viri, qui primo tribunicios homines, quia id populare ba-
nebatur, circum se ostentauerant plebi, patriciis iuuenibus
sepsissent latera.*

Antea narrauerat Liuius, legibus XII tabularum iam collectis, primores patrum, decemviro-
rum potentiae simul cum plebe per-
taesos, comitia consulibus creandis mox edicenda expectasse,
plebem vero id modo agitasse, quonam modo tribuniciam po-
testatem repararet. Statim igitur nostro loco indicare pergit,
neque tamen comitia esse indicta, neque tribunorum plebis ra-
tionem amplius a decemviris habitam, cum iam pro tribunicis
hominibus, quos antea in comitatu suo habuerant, patricii iu-
venes eorum latera cingerent. In illis verbis autem omnia me-
lius cohaerebunt, si emendamus: *Quum interim mentio comitio-
rum nulla fieret, decemviri, qui* — Nam primo constat, non
particulam: *quum* cum infinitiuo iungi solere, si reliqua oratio,
quae cum ea cohaeret, sit finita, sed si plures iam infinitiu
ante-
cesserint; cuius quidem verborum constructionis plura dedit
exempla I. Fr. Gronovius in notis ad Liu. IV, 51. Porro illud:
et decemviri loco plane alieno est positum, quia, si vel: *et* expli-
catur particula: *etiam*, tamen in antecedentibus quoque non
aliis hominibus, quam iisdem decemviris, comitiorum neglectio
erat tribuenda. Huc accedit, facile esse intellectu, unde illud

inaeptum: *feriet* — fluxerit, quia ultima syllaba verbi: *feret*, est male duplicata, et priori loco tantum scribendi nota exprimebatur, ex qua, qui eam non statim intelligebant, literam: *i* adfinxerunt. Probabilior denique existit haec coniectura, quia etiam quidam Codd. vere ita legunt: *feret, decemviri* — alii vero voce superflua: *feret et decemviri* — unus *feri et decemviri* —

In Liuii lib. III, cap. L occurrit locus, cuius emendationem ingenio Io. Fr. Gronovii potissimum debemus, qui, sicut satis constat, in Liuius recensendo saepe solo ingenii acumine faciem praetulit huius scriptoris interpretibus. Quamquam igitur summae huius interpretis laudi nihil detractum velim, qui certe, si quis alius, omnem scribendi et sentiendi rationem, in Liuius obuiam, optime intellexit: non semper tamen, quod ipse vir modestus interdum fassus est, ab omni in iudicando errore sibi cauere potuit; id, quod ei in nostro etiam loco accidisse videtur. Ne autem iniquus viri summi obrectator existam, neue dolo malo liberum Liuii lectoribus iudicium praecidere videar, totum locum, sicut in Codicibus fere omnibus legitur, prius laudare placet:

„Haec Virginio vociferanti succlamabat multitudo, nec illius dolori, nec suae libertati se defuturos. Et immixti turbae militum rogati, quum eadem illa querendo, docendoque, quanto visa quam audita indigniora potuerint videri: simul profigatam iam rem nunciando Romae esse, insecutosque, qui Appium prope interentum in exilium abisse dicerent; perpulerunt, ut ad arma conclamaretur, vellerentque signa et Romam profiscerentur. —“

Narrat igitur Liuius in his verbis, quantas turbas in castris Romanorum, in Algido positas, Virginii adventus excitaverit, qui cultro

cultro lanii arrepto propter nefandam Appii decemviri libidinem filiae pectus transfixerat. Nam milites non solum dolenti Virginio auxilium se laturos promiserunt, sed aliorum quoque togatorum, qui Virginium Roma fugientem secuti erant, narrationibus partim veris partim fictis ita ad iram concitati sunt, ut statim Romam, castris relictis, proficiscerentur. Gronovius iam accurate adnotavit, particulas: *quam*, et: *simul* in verbis: *quam eadem illa querendo* — et: *simul profligatam iam rem nunciando* — ita, ut particulae: *et*, *et*, siue: *cum*, *tum* coniungi solent, cohaerere. Sed simul pro illo: *insecutosque* emendandum censet: *insecutique*, quia ita duplex nunciorum genus, qui praeter Virginium in castris aduenerint, *et togati militum turbae immixti* — *et insecuti* laudentur. Credibile enim esse, illos togatos ita properasse, ut serius exeuntes adsequi priores non possent. Quamquam igitur vir modestissimus hanc coniecturam, quia unius tantum codicis auctoritate adiuuabatur, nondum in contextum receperat, ita tamen aliis Livii interpretibus, Clerico et Drakenborchio, ea placuit, ut tanquam certissimam admitterent emendationem. Quod sane multis mirum videbitur, qui sciunt, Drakenborchium cautioribus adnumerandum esse interpretibus, qui, nisi sensus verborum plane sit corruptus, a Codicum plurimorum lectione ne latum quidem virguem recedere conetur. Mihi vero ita persuasum est de lectionis: *insecutosque* veritate, ut adeo, si illa Codicum plurimorum auctoritate destitueretur, hanc saltem coniecturae loco quam maxime commendandam censerem. Nam in antecedentibus Livii verbis tantum duplex hominum adventus in Romanorum castris, nempe Virginii et togatorum, qui magno numero eum secuti erant, indicabatur; quare etiam maioris distinctionis nota post verba: *se defuturos* tollenda est, quae primam interpretum errori causam praebuisse videtur. Porro illi togatorum militibus immixtorum sermones,

quo

quo maiori circumstantium attentione erant excepti, eo vehementius rem Romae actam augebant et a veris narrationibus ad falsa effingenda progrediebantur, ut primo eadem illa quererentur, porro docerent, haec visa auditis indigniora fuisse, deinde nunciarent, rem iam Romae profligatam esse, denique infectos esse adfirmarent, qui Appium prope interemtum in exilium abisse dicerent. Cum enim haec ultima narratio de Appio prope interemto et in exilium misso esset falsa et pro rumore tantum spargeretur, quia Appius sedato iam tumultu demum Romae in ius vocatus est et in carcerem coniectus: propriè nemo in castris aderat, qui Appium prope interemtum et in exilium abeuntem se vidisse diceret, sed togati tantum, auribus tam arrectis auditi, esse adeo infectos, qui haec dicerent, effingebant. Quae quidem falsa narrantium consuetudo etiam nunc inter nos satis est nota, ut rumpres incertis tantum auctoribus spargant et ita commenti excogitati poenas se facilius effugere posse arbitrentur.

In Liuii lib. IV, cap. XLVI ubi narratur, Q. Seruilium Priscum, propter rem contra Laucanos et Aequos male gestam, a Romanis dictatorem esse dictum, inter alia ad commendationem illius ducis haec eius descriptio occurrit:

*„vir, cuius providentiam in republica quum multis aliis
„tempestatibus ante experta ciuitas erat, tum euentu eius
„belli, quod uni certamen tribunorum suspectum ante rem
„male gestam fuerat —*

In quibus verbis illud: *suspectum — fuerat* mihi displicet. Specta autem dicere solemus, quae nobis nondum satis aperta siue adhuc futura esse videntur. Certamina autem tribunorum militum, quae iam in urbe cupiditate imperii fuerant incensa et multo impensius in castris continuabantur, nemini ignota erant. Quare etiam Q. Seruilio non facile *suspecta* videri potuerunt.

Forte

Forte igitur Liuius scripsit: *suspectam ante rem male gestam fecerat.* Quae emendatio cum iis accurate consentit quae antea in hoc capite tradebantur: *Dicitur Q. Seruilius, aetate et usu doctus, precatus ab Diis immortalibus, ne discordia tribunorum damnosior Reipublice esset, quam ad Veios fuisset: et velut baud dubia clade imminente, iussisse filio, ut milites scriberet et arma pararet.* Omnis igitur Seruillii suspicio rem mox in bello gerendam spectabat. Verba autem: *fecit, et: fuit,* varie flexa, a librariis commutari solere, multis exemplis Drakenborchius in notis ad Liuii lib. XL, cap. 50 § 5 docuit. Vnus Codex nostro loco etiam pro: *suspectam* legit: *inspectam.*

In Liuii lib. V, cap. LII adhuc continuatur oratio Camilli ad populi concionem habita, ut iis migrationem Roma inde in Veiorum urbem fuscipiendam dissuaderet; in qua etiam haec verba occurrunt:

„Hos omnes Deos, publicos priuatosque, Quirites, deserturi estis? Quam par vestrum factum est, quod in obsidione, nuper in egregio adolescente C. Fabio, non minore hostium, admiratione quam vestra, conspectum est —

In verbis: *quam par vestrum factum est* — Fr. Gronouius ingeniose suadet, ut pro illo: *vestrum*, legatur: *vestro*. Drakenborchius sine Codicum consensu eam non recipere audet, et ad notam in libr. XXIII cap. 15 § 4 a se factam lectores remittit, ubi exempla ex multis locis congesta sunt, in quibus saepe Liuius pronomen: *ille*, etiam ante relatiuum: *qui*, omiserat. Deinde tamen suam quoque coniecturam adiunxit, ut legatur: *Quam par vestrum factum ei est* — Sed si quid video, illa emendatio a Gronouio proposita certe est elegantior, cui meam simul coniecturam adiacere liceat, ut in primis verbis legatur: *quam impar vestro factum est* — Nam futura Deorum patriorum neglectio,

glectio, si Romam reliquissent, illi opponitur religioni, quam Fabius vel in hostium conspectu exercuerat. Me vel non monente omnes intelligent, quam facile prior syllaba vocabuli: *impar*, ab ultima litera antecedentis particulæ: *quam* interci- peretur.

In Liuii lib. VI, cap. XLI, continuatur oratio Appii Claudii Crassi, propter tribunorum plebis turbas tunc temporis motas habita. Sed statim sub initium huius capitis verba:

„Quomodo extorqueant, non quomodo petant honores, quaerunt, et ita maxima sunt adepturi, ut nihil ne pro minimis quidem debeant —

varius interpretum emendationibus occasionem dederunt. Taxat quidem Claudius in his verbis tribunorum plebis superbiam, qua postulabant, ut semper alterum Consulum ex plebe creati necesse sit. Itaque consularis dignitas illis; *maxima sunt adepturi* indicatur, sed maior difficultas de interpretatione verborum: *ut nihil ne pro minimis quidem debeant —* oritur. Alii igitur ea retinenda et variè explicanda censuerunt, alii vero meliorem excogitarunt lectionem, quamvis Codices constanter vulgatam confirmant. Coetierius quidem, vir doctus, qui retinet vulgatam, ita eam explicauit: Ita accepturi sunt consulatum, ut pro tanto honore prorsus nihil debitori sint, ne tantum quidem, quantum pro re minima et parui pretii. Sed talem interpretationem verba Liuii non admittere videntur, qui tunc haud dubie scripsisset: *ut ne tantum quidem, quantum pro minimis debeant*. Clericus, qui etiam vulgatam defendit, verba: *ne pro minimis quidem* de plebeiis infimæ sortis et conditionis explicat; quasi dictum esset: ne pro minimis quidem plebeiorum, qui consulatum adepturi erant. Illuderet igitur Claudius in his verbis tribunorum rogationem, qua viros maxime indignos in
locum

locum virorum summorum et amplissimorum electuri essent. Cui tamen explicationi satis ingeniosae vocabulum: *maxima*, quod antecessit, ob stare uidetur. Nam postulat, ut ei: *minima*, non: *minimos* opponas. Mihi quidem, si verbis vulgatae lectionis standum esset, necessarium videbatur, ut illud: *ne pro minimis quidem*, explicaretur: ne pro re quidem, quam minimam haberent; siue vernacula lingua: Daß sie euch nichts verdanten wöllen, wenn es auch Kleinigkeiten in ihren Augen wären. Nam proprium est hominum superbiorum, ut in rebus leuioribus, quas aliis debent, maximam affectent gratiarum actionem; cuius contra in iis rebus, quae maximi ad eorum salutem momenti sunt, pudore impediti obliuiscuntur. Sed plurimi, vel me non mouente, nimis artificiosam habebunt hanc interpretationem, quare ad illorum potius sententiam accedo, qui emendationem huius loci tentarunt. Primo igitur duplicem coniecturam Tanaquil Faber protulit. Sensus enim Liuii postulare ei uidetur lectionem: *ut nihil pro iis, nec minimum quidem, debeant*, siue, quod ei magis arridet: *ut nihil populo Romano Quiritium debeant*. Deinde I. Fr. Gronouius, suo etiam ingenio obsecutus, suasisit: *ut nihil quasi pro minimis debeant*. Porro Douiatius, ille Liuii editor in usum Delphini, duplici medicina quoque hunc locum curare studuit, siue legas: *ut nihil, ne ut pro minimis quidem, debeant*, siue vocibus: *maxima* et: *minimis* transpositis, resingas: *et ita minima sunt adepturi, ut nihil, ne pro maximis quidem, debeant*. Denique etiam Drakenborchius ex ingenio duplicem proposuit emendationem, siue: *ut nihil, ne minimum quidem, debeant*, siue: *ut nihil populo Romano, ne minimum quidem debeant*. Quod si igitur Codicum lectio cum illis virorum doctorum lectionibus comparatur, proxime ad eam accessit, ideoque magis probabilis esse uidetur Douiatii emendatio: *ut nihil, ne ut pro minimis quidem, debeant*. Sed alia adhuc emendatio in medium est proferenda,

renda, cuius primas lineas, rubrica a viro quodam docto datae, in Liuii editione inueni, quam olim iam compactam Lipsiae in taberna libraria emeram. Haud dubie enim cum oratione contexta apte conuenit, vt vocula: *nihil*, reiecta, et verbo: *debeant* in illud: *babeant* mutato, legatur: *et ita maxima sunt adepturi, vt ne pro minimis quidem habeant*. Vocula: *nihil*, forte illi: *pro minimis* explicando inferuiebat, et deinde, vt multa eiusmodi interpretamenta, inter ipsa Liuii verba est male inserta. Vt autem vocabulum: *habere* particulam: *pro* adiunctam habeat, multa exempla in Liuiio obuia confirmant. Vt: Liuii lib. I, cap. 40: *Auci filii duo etsi antea semper pro indignissimo babuerant, se patrio regno tutoris fraude pulsos*, — sed plura Liuii loca, quae huc pertinent, ab interpretibus laudantur ad Liuii lib. VII, cap. 6, §. 7. Causa autem, cur illud: *babeant*, in falsam lectionem: *debeant*, transierit, ex antecedentibus est repetenda. Nam proxime antecesserant haec verba: *quid sequitur, nisi, vt ne beneficium quidem debeat populo* — Cum igitur de eadem re loqui pergeret atque similia verba: *ne quidem* repeterentur, facile etiam librarii negligentia: *debeant*, pro: *babeant*, male repeti et exscribi potuit.

In Liuii lib. VII, cap. XIX, statim initio legitur:

„*Duo bella eo anno prospere gesta: cum Tiburtibusque ad deditionem pugnatum.*“

Quidam Codices pro illo: *cum Tiburtibusque*, exhibent: *cum Tiburtibus usque*; quod Drakenborchius propter sonum ingratum, quo haec efferuntur, recte reiecit. Sed melius forte legeretur: *Cum Tiburtibus quidem ad deditionem pugnatum*. Nam duo populi, a Romanis bello petiti, Tiburtes et Tarquinienfes commemorantur, qui vero non eodem belli exitu sunt victi. Nam cum Tiburtibus tantum ad deditionem est pugnatum; in
Tar

Tarquinienſes vero, vt ſtatim adiicitur, acerbè ſæuiriſſimū. Discrimen igitur victoriæ mitis et ſæuæ ſtatim initio particula: *quidem* indicaretur. Quæ etiam alibi, ſicut particula: *per*, nominibus propriis ſolet in principiis adiungi. Librariorum vero incuria ſæpe particulam: *quidem* eſſe omiſſam, pluribus exemplis Drakenborch ad Liuii lib. XLIV, cap. 36, § 8, demonſtrauit; cuius quidem veſtigia hoc loco adhuc in cõpula adnexa: *que* ſuper-eſſent. Eadem vero particula: *que*, ſi hoc loco retinenda eſſet, ſtatim in ſequentibus: *Saffula ex his urbs capta ceteraque oppida eandem fortunam habuiſſent* — minus eleganter repeteretur.

In Liuii lib. VIII, cap. XXXVIII, ubi pugna grauis inter Romanos et Samnites inita narratur, hæc etiam deſcriptio eſt adiecta:

*„fremitus æqualis tenorque idem pugnae in deſatigationem
ultimam aut noctem ſpectabat, —*

Quia vero in antecedentibus legitur: *illo die ab hora diei tertia ad octauam ita anceps dicitur certamen ſteſiſſe, ut neque clamor iteratus ſit* — et in ſequenti etiam capite affirmatur: *adeo repente laboris per diem penè æquum tolerati vulnerumque obliti ſunt* — I. Fr. Gronouius non ferendum cenſet illud: *aut noctem ſpectabat*, ſed emendat: *ad noctem ſpectabatur*. Nulli tamen Codices a lectione recepta: *ſpectabat* recedunt. Præterea vocabulum: *pectare*, quod ſæpius quidem cum præpoſitione: *ad* coniungitur, interdum tamen particulam: *in* quoque adiunctam habet. Vt: Cicero de Officiis lib. I, cap. 17: *proximi, liberi totaque domus, quæ ſpectat in nos ſolos* — Plura auctorum loca ab interpretibus ad Liuii lib. XXVIII, cap. 17, § 5, laudantur. Quare legendum cenſeo: *tenorque idem pugnae in deſatigationem ultimam et noctem ſpectabat*,

In Liuii lib. VIII, cap. XVIII, Alexandri Magni res gestae cum illis Romanorum comparantur, ut demonstret scriptor historicus non minori felicitate atque virtute Romanos in bellis gerendis, quam illum Macedonum regem, adiutos fuisse. Pergit igitur his verbis;

„*Quin tu hominis cum homine, ducis cum duce, fortunam cum fortuna confers —*“

Miror, nullum interpretum, qui laudabilem Liuiio emendando et exornando operam dederunt, in his verbis haesisse, de quorum interpretatione, sicut nunc edita sunt, plane despero. Liuius quidem, ut ex sequentibus satis apparet, variam ducum Romanorum conditionem, qui tamen prospere rem gesserint, cum illa Alexandri Magni comparare inbet. Alexandrum enim per totam vitam summi ducis dignitate gauisum et infinito simul imperio ornatum fuisse, Romanorum vero duces plerumque post tempus ad bella iuisse et ante tempus comitiorum causa reuocatos esse, neminem vero plus quam annum gessisse consularum, ab tribunis plebis delectus saepe impeditos esse, collegae nunc temeritatem, nunc prauitatem nocuisse, tironem eos interdum aut mala disciplina institutum accepisse exercitum, et quae sunt alia. Ne igitur in nostro loco Liuii verba sensu idoneo destituantur, inducenda sunt illa: *cum fortuna*, et, tanquam librarii male seduli interpretamentum, plane reiicienda; quia Liuius in tanta ducum bellicorum felicitate simul ad diuersam et periculosam illorum conditionem, quae saepius longe inferior fuerit confirmata Alexandri potentia, respiciendum censuit. Neque etiam difficile est intellectu, unde adsumtum fuerit illud: *cum fortuna*. Nam bis antecesserat: *cum homine*, *cum duce*, et praeterea etiam vocabulum: *fortuna*, saepius in verbis modo praemissis et in proxime sequentibus repetitur.

In Liuii lib. X, cap. III, locus:

„Itaque propter eos tumultus dictus M. Valerius Maximus
 „dictator, magistrum equitum sibi legit M. Aemilium Paul-
 „lum. id magis credo, quam Q. Fabium ea aetate atque
 „eis bonoribus Valerio subiectum. ceterum ex Maximi co-
 „gnomine ortum errorem haud abnuërim.

illis haud dubie adnumerandus est, in quibus humani quid pas-
 sus sit Liuius neque omnem adhibuerit historici scriptoris dili-
 gentiam; quorum plura quidem a Iac. Perizonio in Animaduër-
 sionibus historicis, a Chr. Gottl. Joecher et Io. Henr. Parreidt
 in Dissert. De suspecta Liuii fide, et ab ipsis Liuii librorum in-
 terpretibus adnotantur. Carolus quidem Sigonius in commen-
 tario, ad Fastos Capitolinos conscripto, cum in hunc historiae Ro-
 manae locum incideret, in quo aperte Liuius a Capitolinis frag-
 mentis dissentit, nullum aequè difficilem atque obscurum sibi
 visum esse affirmat atque eius ingenii acumini potissimum de-
 bemus, ut in tantis tenebris tamen aliquantum lucis affulgeat.
 Drakenborchius quidem in notis ad hunc locum opinatur, Li-
 uium male duorum annorum res gestas in unum contulisse. Sed
 huius erroris quidem Liuium aperte accusare non ausim. Quan-
 quam enim cap. 3 incipit cum verbis: *Eodem anno Romae cum*
Veslinis amicitiam petentibus istum est foedus: in verbis tamen
 sequentibus: *Multiplex deinde exortus terror;* particula: *deinde*
 aliud tempus indicare videtur, quam quod de eodem anno expli-
 candum esset, cuius plurimae res gestae iam in cap. I et II trade-
 bantur. Nam longe alius rei, quam quae in antecedentibus
 commemorata est, belli nimirum noui, cum Etruscis exorti,
 narrationem orditur. Sed Liuii error in eo inprimis apparet,
 quod illo anni tempore, quod quidem, ut Sigonius argumentis
 non contemnendis probauit, sine consulibus transigebatur, vnus
 tan-

tantum dictatoris, illius M. Valerii mentionem iniicit, et ~~vaslo~~ annalium, dissensu impeditus alterum dictatorem, Q. Fabium Maximum Rullianum, omisit, qui haud dubie prior illa dictatoris dignitate ornatus erat, sicut et fasti Capitolini et fasti Norisii, quorum usus etiam Cuspiniano patebat, indicare videntur. Porro Liuius, cui, aliquid erroris suae narrationi inesse, subolebat, cum Fabium non dictatorem, sed magistrum equitum, illo tempore, a quibusdam laudari diceret, in nouum incidit errorem illius commenti causam inquisiturus, vt Valerium Coruum illius anni dictatorem iterum dictum cum Valerio Maximo male confunderet; sicut ex aliorum scriptorum testimonio cognoscitur. Cuius quidem erroris committendi occasio erat eo facilius, quia vterque Valerius eodem Marci cognomine gaudebat, et vterque etiam in lapidibus *M. F. M. N.* Marci filius et Marci nepos appellatur. Valerius Coruus tamen tunc temporis iam longe pluribus Romae honoribus erat celebratus, et ipse Liuius cum in sequentibus consulatum eius quintum cap. 5 et 6, qui statim eius dictaturam excepit, commemoraret, semper illud cognomen; *Maximi* omisit, quod haud dubie etiam in annalibus ab ipso collatis deerat. Ex vestigiis denique lapidum Capitolinorum verisimile est, illum M. Aemilium Paullum, prioris anni consulem, non Valerio Coruo, sed potius illi Fabio Maximo, magistrum equitum dignitate fuisse adiunctum, cum contra Valerius Coruus sibi P. Sempronium Sophum, cuius consulatus a Liuiolib. IX, cap. 45, commemoratus in annum urbis conditae; CDXLIX inciderat, magistrum equitum creasse videatur. Tertius igitur error a Liuiocommissus in eo cernitur, vt non solum alterius magistrum equitum mentionem iniicere negligeret, sed illum etiam, qui Fabii erat collega, male adderet Valerio Coruo. Quoniam vero ille annus ab u. c. CDLII sine consulis augebatur, sed duplici illa Fabii et Valerii dictatura insignis

signis erat, et demum in annum: CDLIII Valerii Corui et Apuleii Pansae consulatus incidebat, sicut erudita disquisitione Sigonius in libro laudato demonstravit, merito etiam illi Consulatum Romanorum indici, quem idem Sigonius Liuii historiae adiecit, inferi debuisset, ut ita historiae Romanae studiosi ab illo Chronologiae errore in computandis consulum annis conspicuo sibi cauerent, qui certe magni ad rerum postea gestarum narrationem est momenti. Sed neque Sigonius, neque alii eruditi, eandem computandi rationem secuti, hunc duplicis dictaturae annum historiae Romanae inseruerunt, ut ita subtilis illa Sigonii disputatio, qua historiam Romanam egregie exornauit, in scriptis eius sine magna lateret utilitate.

In Liuii lib. XXI, cap. XXX, argumentum orationis adfertur, quam Hannibal ad Rhodani ripas habuerit, ut militum animos a metu periculi, quod Alpium transgressio minabatur, abstraheret, et ad maius odium incitaret aduersus Romanos terrarum imperium affectantes. In illa igitur oratione verba:

*„Romam, caput orbis terrarum, petentibus quidquam adeo
„asperum atque arduum videri, quod inceprum moretur —*

multos interpretes tanquam minus decora atque temporis, de quo agat Hannibal, non consentanea offenderunt. Nam Phil. Rubenius Electorum lib. I, cap. 25, propterea censet inepta esse haec verba, quia tunc temporis necdum Italiam quidem totam Romani expugnauerint, Gallis Cisalpinis et Liguribus adhuc restantibus, et praeter Sardiniam et Siciliae partem non alia terrarum regione in illius populi potestatem redacta. Quamquam igitur Casp. Barthius lib. XIV Aduersariorum cap. 10 Liuii defensionem contra Rubenium suscepit, ipse tamen Drakenborchius sibi Barthium non persuasisse faretur; quare etiam huius summi interpretis sententia Liuius in nostro loco taxandus videretur.

Attentum vero Liui lectorem non latebit, maximam eius libri-
 rum laudem potissimum etiam in orationibus cerni, operi eius
 virorum clarorum nomine intextis. Quibus tanta non solum
 eloquentia inest, vt hac quidem parte cum quouis oratore et
 Graeco et Romano certare videatur, sed quae maximo etiam
 artificio cum temporum atque locorum ratione conueniunt, in
 quae inciderunt illae et quibus sunt habitae, atque a virorum,
 qui verba faciunt, moribus et cogitandi modo tam parum discre-
 pant, vt ipsum Liuium aetate horum virorum vixisse et saepe
 rebus eorum gestis interfuisse arbitreris. Quae quidem eximia
 historici scriptoris laude Liuius tantopere praestit illis Latinorum
 poetis, Virgilio, Silio Italico aliisque, qui saepe temporum anti-
 qua cum recentioribus male commiscuerunt, vt tunc mirari de-
 beat, cur in nostro loco iam Liuius a recepta dicendi consuetu-
 dine deflexerit atque ampullas sua aetate prociui solitas, ex ore
 Hannibalis, Romanorum hostis, contra deuota breuiter. Licet
 igitur post Barthium paucis suscipere Liuii causam, qui etiam in
 nostro loco optimas eloquentiae leges seruant. Primum qui-
 dem concedam, Liuium in his verbis sua simul tempora respe-
 xisse, quibus omnes historici scriptores atque poetae Romam tan-
 quam rerum dominantem communi laude extollebant. Sed sum-
 mo simul artificio illam suspensionem de futuro terrarum imperio,
 quod tum iam Romani adfectauerunt, in Hannibalis, grauissimi
 illorum hostis, animo ortam esse fingit. Quis enim tam inep-
 tam nostri loci interpretationem communicatur, vt Hannibal
 haec verba: *Romam caput orbis terrarum*, plane ita, vt efforui-
 tur, ex Liuii sententia intellexerit, neque potius de vano illor-
 um acceperit conatu, quo rerum inter omnes potiri gestiant?
 Tota autem Hannibalis oratio id spectat, vt militum animi ab
 omni metu liberati grauissimo Romanorum odio incendantur,
 ideoque partim victoriae in Hispania solis deponant, rebus
 magni-

magnificis recordatur, parum impedimenta adhuc remouenda, qualia erant Alpium adscensus atque Romae expugnatio, tanquam leuissima et superata facillima proponit. Romae igitur mentione iniecta, odium Karthaginiensium, magna iam inuidia plenum, aduersus gentem tam superbam excitat, quae, omnibus populis tandem debellatis, urbem suam terrarum orbis caput fieri velit, sicut antea iam militibus dixerat, eos liberum transisse ad delendum nomen Romanum *liberandumque orbem terrarum*. Sed statim etiam in contemtionem adducit Romanos verbis proxime sequentibus: *cepisse quondam Gallos ea, gentem per eos dies toties ab se victam*. Neque etiam linguae Latinae legibus repugnauit, ut Hannibal Romae, quae nondum caput orbis terrarum existerat, hoc nomen iam imponeret. Sicut enim, ut hoc utar, Cicero, Caeciliam patriae pestem nefarie molientem, multis locis etiam patriae pestem appellauit: ita Hannibal etiam nimiam dominandi cupiditatem, qua Romani flagrant, sub illo complexus est nomine: *caput orbis terrarum*. Quid? quod adeo cum vi quadam singulari Romanorum consilia, quae nondum euentum habuerant, in his verbis iam quasi perfecta esse simulat. Quod quidem oratoris artificium propterea inprimis placet, quia, teste Quintiliano Instit. Orator. lib. IX, cap. 2, *non solum quae facta sint aut fiant, sed etiam, quae futura sunt, aut futura fuerint, imaginamur*. Ceterum Rubenius etiam in sua Liuii reprehensione nimium coarctauit imperii Romani fines, quibus tunc temporis iam propagatum erat. Siue enim tempora, quae bellum Punicum I proxime antecefferunt, siue ipsum illud bellum siue denique annos viginti tres potissimum spectaueris, qui bellum primum et secundum intercedebant; omnia iam illis temporibus praeparata esse a Romanis videbantur, ut ubique terrarum gentibus a se deuictis leges imponerent, utque finibus terrae suae parum contenti quam longissime diutius suae terminis

nos promouerent. Nam ante bellum Punicum I Italia non solum, quae Graeciae Magnae nomen gerebat, tota Romanorum armis cesserat, sed Pyrrhus etiam, fortissimus Epirotarum rex, re infecta ex Italia redire coactus et potentissimus Aegypti rex in amicitiam populi Romani receptus erat. Ipso belli tempore Romani vires suas in arte nauali nondum exercitatas ita intenderunt, ut Karthaginensibus maris imperium eriperent, quo hactenus potissimum praevaluerant, et iam in ipsas Africae regiones suas emitterent militum copias. Longe maiorem vero dominandi cupiditatem, bello iam finito, prae se ferebant, cum Karthaginenses non solum tota Sicilia sed omnibus etiam insulis, inter Italiam et Africam sitis, cesserant. Illarum enim possessionem sibi non solum pedetentim arrogarunt, Sardinia inprimis, contra foederis cum Karthaginensibus initi conditiones, suae ditioni adiecta, sed Siciliam quoque totam, praeter paruum Hieronis, fidelissimi Romanorum socii, regnum, in provinciae formam redegerunt. In Gallia vero Cisalpina non Ligures solum, sed reliquos etiam populos ad Alpes usque habitantes, inprimis Claudio Marcello duce, deuicerunt, qui vir fortissimus adeo, ut fasti Capitolini referunt, tunc temporis iam de Germanis triumphasse dicitur. Ut vero in Graeciam quoque atque in finitimas eius regiones aditus eis pateret, Illyrium totum cum Istria et insulas ad Illyrii littora sitas expugnarunt, legatis ad Corinthios et Athenienses missis, qui cum ipsis de foedere agerent ineundo. Quid? quod tunc temporis etiam legatos ad Ptolemaetum Euergetam, Aegypti regem, ire iusserunt, ut in eius societate Antiocho Theo, Syriae regi, si dissentire cum ipso perrexisset, bellum inferrent. Qualia autem de Hispania expugnanda agitauerint consilia, et ex foedere apparet, pace adhuc florente, cum Karthaginensibus facto, ne illi cis Iberum flumen gererent bellum, et ex illa societate, in quam Sagunti urbem, trans Ibe-

rum in Hispania sitam, receperunt. Num igitur Hannibali aliisque Karthaginensibus, de crescente Romanorum potentia valde sollicitis, adhuc dubitatio quaedam inesse potuit de consiliis Romanorum ad imperii fines mirum quantum propagandos captis? Quare Hannibal, acerba simulatione in militum iratorum concione usus, Romam, quam Gallorum exemplo expugnatum ibant, *caput terrarum orbis* appellat, et mirum Liuii artificium in eo cernitur, ut, quod omnes aetate sua euentu comprobatum esse gloriabantur, illud iam fingeret Hannibalem, maximum Romanorum hostem, timuisse.

Plura quidem nunc Liuii loca adicere, instituti ratio non patitur, sed potius orationum mentio est iniicienda, quibus iuvenes quidam, qui Scholam Torgauensem frequentarunt, industriae suae daturi sunt specimina

d. XVIII. Martii:

- I) CHRISTIANVS GOTTLIEB GVILIELMVS FLIESBACH, *Torgauens.* ager oratione lat: *De bonesto vitae amore.*
- II) GOTTLIEB FREDERICVS MVLLER, *Clebitio-Saxo*, carmine german: *De pacis studio, hominibus tantum sapientibus proprio.*
- III) CAROLVS CHRISTIANVS HEFFTER, *Schweinitio-Saxo*, latine: *De legum auctoritate, ipsarum argumentis innixa.*
- III) TRAVGOTT FREDERICVS DVLCE, *Torgauens.* carmine vernaculo; *De Dei potentia, impietatis ultrice.*

V) IOANNES AVGVSTVS GVINTHER, *Weydenbaysenf.* latine: *De vitanda erroris miseria.*

VI) GEORGIVS AVGVSTVS SAMVEL SCHROEER, *Zinnenf.* oratione german: *De animi tranquillitate, non ex otio sed ex praeclare factis quaerenda.*

d. XXII. Martii:

I) CHRISTIANVS GODOFREDVS KVIHNE, *Losersf.* latine: *De pudicitia, ornamento iuuentutis praecipuo.*

II) IOANNES ELIAS PALM, *Torgauensf.* carmine germanico: *De virtutis bilaritate.*

III) CAROLVS CHRISTIANVS FREDERICVS SIEGEL, *Mariaenbergensf.* latine: *De honesta morum seueritate.*

III) FREDERICVS GOTTLOB STREVBEL, *Graefenbayna-Saxo,* oratione vernacula: *De causione, ad societatem cum aliis ineundam necessaria.*

V) IOANNES GOTTHELF FREYND, *ex Rubri Bouis bospitio ad Albim fiso,* latine: *De eloquentia, ex animi integritate orsa.*

VI) IOANNES CAROLVS IOSEPHVS MVILLER, *Olganitiensf.* germanice: *De animi grati officio,* qui simul eadem ratione, qua die priori verba vltimo loco facturus, iuuenes in Academiam discessuros Commilitonum nomine valere iubebit.

Gra-

Gratum vero et honorificum erit Lyceo Torgauensi, si hanc eius sollempnitatem attentione atque praesentia sua non indignam censebunt, quicunque iuventutis fauent educationi atque adhuc veram ex discendis literarum artibus vtilitatem redundare arbitrantur. Quo consilio inprimis ad iuueniles illas orationes beniuolè audiendas ANTISTITEM SACRORVM SVMME VENERABILEM, SENATVM CIVITATIS AMPLISSIMVM, MINISTROS SACRORVM PLVRIMVM REVERENDOS et MAGISTROS SCHOLAE TORGAVIENSIS CLARISSIMOS omni, qua decet, obseruantia inuito.

Scripsi Torgaviae, d. XX Februarii, A. c1515 CCLXXXVIII.

